



Reglugerð um aga- og úrskurðarmál

breytt 24.9.2025

1. grein

GILDISSVIÐ

Reglugerð þessi er sett með stoð í 15. grein laga Körfuknattleikssambands Íslands. Hún gildir um öll aga- og úrskurðarmál innan vébanda KKÍ nema mál séu sérstaklega falið öðrum úrskurðaraðilum samkvæmt lögum og reglugerðum KKÍ.

2. grein

MARKMIÐ

Markmið reglugerðarinnar er að tryggja skýrar og afmarkaðar reglur um aga- og úrskurðarmál KKÍ. Markmið hennar er einnig að sameina öll þau mál er upp koma innan KKÍ er varða agamál, sem aganefnd KKÍ fjallaði um áður, sem félagaskiptanefnd KKÍ fjallaði um og kærur sem dómstóll KKÍ fjallaði um sem fyrsta dómstig, undir einn og sama úrskurðaraðilann, aga- og úrskurðarnefnd KKÍ.

3. grein

LÖGSAGA OG HLUTVERK

Aga- og úrskurðarnefnd KKÍ skal hafa fullnaðarlögsögu yfir þeim málefnum, sem koma upp innan vébanda Körfuknattleikssambands Íslands og varða lög og reglur þess eftir því sem við á. Nefndin skal byggja niðurstöður sínar á lögum og reglugerðum KKÍ.

Aga- og úrskurðarnefnd KKÍ úrskurðar í öllum agamálum KKÍ og er jafnframt fyrsta dómstig í kærumálum, sem upp koma innan körfuknattleikshreyfingarinnar. Meginhlutverk nefndarinnar er þannig tvíþætt, annars vegar agamál og hins vegar úrskurðaraðili á fyrsta dómstigi og ráðast málsmeðferðarreglur nokkuð eftir þessari skiptingu.

Nefndin getur tekið ákvörðun um viðurlög samkvæmt lögum KKÍ, reglugerð þessarri og öðrum reglugerðum KKÍ gagnvart aðildarfélögum, forráðamönnum, leikmönnum, þjálfurum, starfsmönnum og öðrum þeim, sem eru innan vébanda aðildarfélaga Körfuknattleikssambands Íslands vegna brota þeirra á lögum KKÍ, reglugerðum KKÍ og öðrum reglum.

Nefndin hefur aðsetur á skrifstofu Körfuknattleikssambands Íslands, Íþróttamiðstöðinni í Laugardal, 104 Reykjavík og skal KKÍ tilkynna án tafar allar breytingar sem verða á skipan nefndarinnar eða aðsetri.

4. grein

SKIPAN OG HÆFI

Aga- og úrskurðarnefnd KKÍ skal skipuð formanni og tveimur varaformönnum, sem skulu allir löglærðir, og auk þeirra þrem mönnum. Skulu þeir kosnir á Körfuknattleikspingi til tveggja ára í senn.

Nefndin starfar samkvæmt reglugerð þessari og skulu a.m.k. þrír nefndarmenn taka þátt í ákvörðun nefndarinnar. Nefndin skal setja sér verklagsreglur sem skulu staðfestar af stjórn KKÍ og birtar á heimasíðu KKÍ.

Nefndarmaður er vanhæfur að fara með mál ef:

- a) Hann er aðili máls eða fyrirsvarsmáður aðila.



- b) Hann hefur gætt hagsmuna aðila varðandi efni málsins eða veitt aðila leiðbeiningar um það, umfram skyldu.
- c) Hann hefur borið eða verið kvaddur til að bera vitni um atvik málsins af réttmætu tilefni eða verið mats- eða skoðunarmaður um efni málsins.
- d) Hann er eða hefur verið maki aðila, skyldur eða mægður aðila í beinan legg eða tengdur aðila með sama hætti vegna ættleiðingar.
- e) Hann tengist eða hefur tengst fyrirsvarsmanni eða málflytjanda með þeim hætti er segir í lið d.
- f) Hann tengist eða hefur tengst vitni í málinu með sama hætti og segir í lið d.
- g) Fyrir hendi eru önnur atvik eða aðstæður sem eru fallnar til þess að draga óhlutdrægni hans með réttu í efa, m.a. ef hann eða náinn skyldmenni eru félagsbundin aðila máls eða hann vanhæfur af öðrum ástæðum.

Stjórn KKÍ skal skipa nefndarmann í aga- og úrskurðarnefnd til meðferðar einstaks máls ef tilskilinn fjöldi næst ekki úr kjörnum nefndarmönnum vegna vanhæfis þeirra.

5. grein

ALMENNAR MÁLSMEÐFERÐARREGLUR

Málsmeðferðarreglur samkvæmt reglugerð þessari skiptast í tvennt eftir því hvort um agamál er að ræða eða kærumál vegna meintra brota á lögum og reglugerðum KKÍ.

Að jafnaði er málsmeðferð aga- og kærumála skrifleg og er nefndinni heimilt að leysa úr málum með aðstoð fjarskiptatækja, t.d. fjarfundarbúnaði eða tölvupóstum. Aðilum máls er heimilt að óska eftir munnlegri málsmeðferð. Ef brýna nauðsyn krefur getur nefndin haldið aukafund til úrslausna einstakra mála eða vegna afturköllunar úrskurða.

Nefndin getur ávallt í öllum málum óskað eftir skriflegum athugasemdum frá stjórn KKÍ eða öðrum þeim er málið getur varðað.

Aðila máls fyrir aga- og úrskurðarnefnd er heimilt að fela umboðsmanni að gæta hagsmuna sinna fyrir nefndinni. Telji nefndin að hætta sé á að málsstaður einhvers málsaðila verði fyrir tjóni vegna þess að hann er ekki fær um að koma sínum sjónarmiðum að í málinu, getur formaður hennar tilkynnt slíkt til stjórnar KKÍ sem getur þá skipað slíkum aðila talsmann í viðkomandi máli.

6. grein

SÉRSTAKAR MÁLSMEÐFERÐARREGLUR VEGNA AGAMÁLA

Aga- og úrskurðarnefnd úrskurðar um þau atriði, sem fram koma í atvikaskýrslum dómara KKÍ í leikjum í mótum á vegum KKÍ sem og þeim leikjum sem dómaranefnd raðar dómurum á að beiðni félaga enda fjalli FIBA ekki um málið.

Dómaranefnd KKÍ og stjórn KKÍ hafa kærurétt til aga- og úrskurðarnefndar. Jafnframt hefur aga- og úrskurðarnefnd heimild til að úrskurða um öll önnur mál sem nefndin telur ástæðu til að hafa afskipti af vegna körfuknattleiksleikja sem fram fara á Íslandi enda fjalli ekki aðrir um þau. Aðrir aðilar en að framan greinir hafa ekki kærurétt til aga- og úrskurðarnefndar.

Þó er þeim aðilum er hafa bein tengsl við leiki í mótum á vegum KKÍ heimilt að leggja fram hvers kyns gögn eða skriflegar athugasemdir til aga- og úrskurðarnefndar sem ábendingu um agabrot. Skal aga- og úrskurðarnefnd meta það sjálfstætt hvort slík ábending gefi tilefni til málsmeðferðar í samræmi við heimildir nefndarinnar skv. 7. mgr. 6. gr. reglugerðar þessarar. Ef ábending gefur ekki tilefni til



málsmeðferðar að mati nefndarinnar er ekki þörf á formlegri eða rökstuddri ákvörðun þess efnis frá nefndinni.

Sá aðili sem vill leggja fram gögn eða skriflegar athugasemdir sem ábendingu skal greiða 100.000 kr. gjald til KKÍ. Ef í kjölfarið er úrskurðað um málefnið af hálfu aga- og úrskurðarnefndar, sem m.a. byggir á viðkomandi ábendingu og einstaklingi eða félagi gert agaviðurlög, skal framangreint gjald vera endurgreitt.

Aga og úrskurðarnefnd skal bundin af ákvörðun dómara leiks, t.d. varðandi brottvísun eða tæknivillu. Þrátt fyrir framangreint er aga og úrskurðarnefnd heimilt að taka til meðferðar atvikaskýrslu dómara eða kæru á agabroti sem framið var án vitundar dómara leiksins eða dómari ekki vísað viðkomandi af leikvelli eða keppnisstað, ef gögn sýna á óyggjandi hátt að brot hafi verið framið. Er nefndinni meðal annars heimilt að byggja á myndbandsupptöku af leiknum.

Leikmaður, þjálfari eða forráðamaður liðs hefur heimild til að gera skriflega athugasemd til aga- og úrskurðarnefndar við atvikaskýrslu dómara vegna agamáls eða kæru sem er birt forsvarsmanni viðkomandi félags fram að næsta reglulega fundi nefndarinnar, en í úrslitakeppni eins fljótt og auðið er eða innan tímamarka sem aga- og úrskurðarnefnd setur. Viðkomandi skal fá afrit gagna frá skrifstofu KKÍ. Athugasemd þessi kemur ekki veg fyrir að sá sem í hlut á fái sjálfkrafa bann, en getur haft áhrif varðandi ákvörðun refsingar þegar mál er úrskurðað.

Í úrslitakeppni skal nefndin kvödd saman um leið og atvikaskýrsla/kæra berst. Skal nefndin kveða upp úrskurð í málinu svo fljótt sem auðið er. Ef um er ræða síðasta leik í deildarkeppni skulu sömu reglur gilda.

7. grein

SÉRSTAKAR MÁLSMEÐFERÐARREGLUR VEGNA KÆRUMÁLA

Einstaklingur og/eða félag, sem misgert er við og hefur hagsmuni af meintu broti hefur rétt til að leggja fram kæru til aga- og úrskurðarnefndar KKÍ. Aðila sem hefur kærurétt er heimilt að beina þeirri kröfu til nefndarinnar að hann verði aðili máls og skal slík krafa koma fram eigi síðar en við aðalflutning málsins. Félag getur ekki lagt fram kæru er snýr að framkvæmd þeirra leikja sem félagið ber ábyrgð á samkvæmt leikjaskrá KKÍ.

Kæra til nefndarinnar skal vera skrifleg, undirrituð af aðila máls eða umboðsmanni hans, berast nefndinni ásamt fylgigögnum í fjórum eintökum og fullnægja eftirfarandi skilyrðum:

- Nafn kæranda, kennitala, heimilisfang, símanúmer, og netfang.
- Nafn kærða, kennitala, heimilisfang, símanúmer, og netfang.
- Nafn fyrirsvarsmanns kæranda og kærða ásamt ofangreindum upplýsingum.
- Skýr kröfugerð.
- Lýsing helstu málavaxta.
- Tilvísun til þeirra laga og reglugerða, sem byggt er á í málinu.
- Lýsing á helstu röksemdum.
- Lýsing á helstu gögnum er fylgja kæru.
- Hvort óskað sé eftir munnlegri málsmeðferð og þá upptalning á vitnum, sem kærandi óskar að kalla til skýrslutöku.

Mál telst höfðað þegar kæra berst skrifstofu KKÍ og greitt hefur verið 100.000 kr. Kærandi rétt á staðfestingu á móttöku. Áður en málið er lagt fyrir næsta fund skal formaður nefndarinnar taka afstöðu hvort einhverjir formgallar séu á kæru sem varði frávísun með úrskurði. Verði málinu ekki vísað frá vegna formgalla skal það lagt fyrir aga- og úrskurðarnefndar KKÍ til efnislegrar meðferðar.



Skrifstofa KKÍ skal senda kærða (varnaraðila) án tafar og með sannanlegum hætti kæru og fylgigögn ásamt áskorun um að halda uppi vörnum í málinu. Kærði hefur sjö (7) sólarhringa frest til að skila greinargerð í málinu. Skal greinargerðin fullnægja sömu kröfum og gerðar eru til kæru, eftir því sem við getur átt. Nefndinni er heimilt að lengja þennan frest ef rökstudd beiðni kærða (varnaraðila) berst þarum.

Þegar öll gögn málsins hafa borist nefndinni skal nefndin taka ákvörðun um hvort málið verði munnlega flutt en að öðrum kosti er það flutt skriflega.

Telji dómsformaður augljóst við skoðun á kæru, að brotið hafi verið gegn lögum og reglugerðum KKÍ, getur hann ákvarðað flýtimeðferð máls. Þeirri kröfu er beint til varnaraðila að hann upplýsi innan sólarhrings hvort hann hyggst hafa varnir uppi í málinu og hverjar þær séu. Komi engar varnir fram eða þær bersýnilega tilgangslaugar er heimilt að kveða upp úrskurð án tafar.

8. grein FRESTIR

Kærumál

Kæur vegna kærumála skulu berast aga- og úrskurðarnefnd KKÍ innan sjö (7) sólarhringa frá kæranlegu atviki. Berist kæran eftir að tímamörk eru liðin skal nefndin vísa kærunni frá.

Kæur vegna kærumála í úrslitakeppnum skulu berast aga- og úrskurðarnefnd KKÍ innan eins sólarhrings frá kæranlegu atviki. Berist kæran eftir að tímamörk eru liðin skal nefndin vísa kærunni frá.

Sé kærumáli vísað frá vegna formgalla, sbr. staflíði a. - i. í ákvæði 7. gr. reglna þessara, hefur kærandi eins sólarhrings frest til að leggja fram nýja og bættu kæru til nefndarinnar. Frestur telst byrja að líða þegar frávisun berst kæranda.

Agamál

Atvikaskýrslur dómara og kæur vegna agamála skulu berast aga- og úrskurðarnefnd innan tveggja sólarhringa frá kæranlegu atviki. Ef kæra berst eftir þann frest er nefndinni heimilt að vísa viðkomandi kæru frá.

9. grein

ÚRSKURÐIR AGA- OG ÚRSKURÐARNEFNDAR

Uppkvaðning úrskurða í kærumálum og gildistaka

Úrskurði nefndarinnar skulu kveðnir upp svo fljótt sem verða má eftir að gagnaöflun telst lokið og málið tekið til úrskurðar. Almennt skal kveða upp úrskurð innan tveggja vikna frá því að málið var tekið til úrskurðar, en þó ekki síðar en fjögurra vikna.

Úrskurðir aga- og úrskurðarnefndar skulu almennt taka gildi við uppkvaðningu þeirra eða eins og nánar greinir í úrskurðarorði.

Uppkvaðning úrskurða í agamálum og gildistaka

Aga- og úrskurðarnefnd skal kveða upp úrskurði á miðvikudögum og skulu þeir birtir á heimasíðu KKÍ. Almennt skulu öll mál sem borist hafa til skrifstofu KKÍ með sannanlegum hætti fyrir klukkan 00:00 á mánudögum á undan tekin fyrir.

Vegna dóma til einstaklinga sem eru 17 ára og yngri, skulu þeir birtir viðkomandi félagi en aðeins nafnlausir á opinberum vettvangi og heyrir heimasíða KKÍ þar undir.

Úrskurðir nefndarinnar varðandi agamál taka almennt gildi klukkan 12:00 á hádegi næsta fimmtudag frá birtingu þeirra. Óheimilt er að taka út viðurlög í agamálum áður en úrskurðir taka gildi.



Í úrslitakeppni allra flokka taka úrskurðir í agamálum gildi um leið og þeir hafa verið birtir. Það sama gildir um atvik sem gerast í síðasta leik í deildarkeppni.

Formanni nefndarinnar fyrir hönd nefndarinnar er heimilt að fela fulltrúa sínum, sem er starfsmaður KKÍ, að kveða upp úrskurði sem fela í sér sjálfkrafa leikbönn.

Einnig er heimilt að kalla nefndina saman, ef ætla má að mati dómsformanns, að kveðinn hafi verið upp rangur úrskurður vegna villandi eða rangra upplýsinga í skýrslu dómara og/eða vegna annarra bersýnilegra mistaka í málsmæðferð eða úrskurða. Skal slíkur nýr úrskurður taka gildi á hádegi næsta dag eftir uppkvaðningu.

Ef augljóst er, að kveðinn hafi verið upp rangur úrskurður varðandi agamál vegna villandi eða rangra upplýsinga í atvikaskýrslu dómara eða rangrar/ófullnægjandi skráningar eða ef rangar upplýsingar hafa borist skrifstofu KKÍ eða úrskurður bersýnilega rangur vegna annarra augljósra mistaka, þá skal aga- og úrskurðarnefndin afturkalla viðkomandi úrskurð. Í kjölfarið skal haldinn aukafundur svo fljótt sem auðið er og nýr úrskurður kveðinn upp. Aga- og úrskurðarnefnd skal kveða sérstaklega upp um gildistöku úrskurðarins og viðurlaga, með hliðsjón af íþyngjandi áhrifum málsins á hinn kærða.

10. grein

ÚRSKURÐIR

Formaður sér um almenn nefndarstörf og samskipti við KKÍ..

Skrifstofa KKÍ skal halda utan um úrskurði nefndarinnar og birtingu þeirra.

Stjórn KKÍ er heimilt að krefjast endurrita af samskiptum nefndarmanna ef tilefni þykir til. Slík endurrit er með öllu óheimilt að birta almenningi.

Úrskurðir í kærumálum skulu vera skriflegir og rökstuddir og skal eftirfarandi koma fram að lágmarki:

- a) Hverjir séu aðilar máls.
- b) Kröfugerð og málavaxtalýsing.
- c) Helstu málsástæður og röksemdir málsaðila.
- d) Rökstuðningur og niðurstaða nefndarinnar.
- e) Sératkvæði minnihluta, ef um slíkt er að ræða.
- f) Greint frá heimild aðila til áfrýjunar og áfrýjunarfresti.

Afl atkvæða innan nefndarinnar ræður úrslitum máls. Ef nefndin er ósammála um niðurstöðuna skal þess getið sérstaklega. Í úrskurði kærumála skal koma fram hverjir standa að baki honum.

Í úrskurðarorðum agamála skal vísa til þeirra(r) greina(r) sem úrskurður byggir á.

Nefndinni er heimilt í meiriháttar agamálum að rökstyðja úrskurð sinn.

11. grein

BIRTING ÚRSKURÐA

Skrifstofa KKÍ sendir málsaðilum úrskurði jafnskjótt og þeir hafa verið kveðnir upp með tölvupósti til formanns körfuknattleiksdeildar, sem félagið hefur tilkynnt KKÍ um eða kæranda og kærða sem getið er í kæru og greinargerð. Áhætta af mistökum við afhendingu tölvupósts hvílir alfarið á móttakanda.

Úrskurðir nefndarinnar skulu birtir á heimasíðu KKÍ strax eftir uppkvaðningu þeirra.



12. grein

VIÐURLÖG

Aga- og úrskurðarnefnd KKÍ getur í úrskurðarorði auk efnisniðurstöðu m.a. kveðið á um eftirfarandi réttindi og skyldur aðila málsins:

- Úrskurðað leik ógildann, látið endurtaka hann eða dæmt um úrslit hans.
- Svipt aðila rétti til að gegna trúnaðarstörfum innan körfuknattleikshreyfingarinnar (hefur ekki í för með sér missi almennra félagsréttinda eða keppnisréttar).
- Óhlutgengisúrskurður, sem veldur útilokun frá þátttöku í keppni innan körfuknattleikshreyfingarinnar, um stundarsakir eða ævilangt.
- Úrskurðað aðila til að greiða aðila kostnað vegna málsins telji nefndin málsgrundvöllinn tilefnislausan.

Nefndin getur beitt eftirfarandi viðurlögum:

- Áminningu eða ávítum.
- Banni við hvers konar störfum eða aðkomu að kappleikjum.
- Ákvarðað dagsektir gagnvart aðildarfélögum KKÍ, sem renna til KKÍ.
- Ákveðið sektir á einstaklinga og aðildarfélög KKÍ.
- Aðrar þær refsingar er lög og reglugerðir KKÍ tiltaka og heimila.

13. grein

VIÐURLÖG VIÐ AGABROTUM

Viðurlög við agabrotum ákvarðast sem hér segir:

- Sé leikmanni vísað af leikvelli vegna tveggja óíþróttamannslegra villna, tveggja tæknivillna, einnar tæknivillu og einnar óíþróttamannslegrar villu eða hafi honum verið vísað af velli fyrir að hafa yfirgefið svæði varamanna við slagsmál, eða aðstæður sem leitt gætu til slagsmála, sem hann að öðru leyti tók ekki þátt í, skal viðkomandi sjálfkrafa fá áminningu. Ef leikmanni er vísað aftur af leikvelli vegna sömu ástæðna og að framan greinir innan sama leiktímabils skal hann sjálfkrafa sæta eins leiks banni. Ef leikmanni er oftár vísað af leikvelli vegna sömu ástæðna og að framan greinir innan sama leiktímabils er nefndinni heimilt að úrskurða viðkomandi í tímabundið leikbann í öllum flokkum. Ítrekunaráhrif samkvæmt þessu ákvæði falla niður þegar úrslitakeppni hvers flokks.

Agaviðurlög samkvæmt framangreindu gilda ekki í tveim efstu deildum meistaraflokks karla og kvenna sem og bikarkeppni sömu meistaraflokka ásamt Meistarakeppni beggja kynja. Í þessum tilvikum skal einungis leggja á sekt gagnvart leikmanni að fjárhæð 15.000 kr. í stað áminningar. Við ítrekuð brot skal leggja sekt að fjárhæð 40.000 kr. í stað leikbanns og falla ítrekunaráhrif ekki niður við úrslitakeppni.

- Sé þjálfara vísað af velli vegna tveggja tæknivillna eða beinnar brottrekstrarvillu skal hann sjálfkrafa sæta eins leiks banni. Sé þjálfara eða leikmanni aftur vísað af velli vegna tveggja tæknivillna eða beinnar brottrekstrarvillu innan sama leiktímabils skal hann sjálfkrafa sæta tveggja leikja banni.

Ef þjálfara eða liðstjóra er oftár vísað af leikvelli vegna sömu ástæðna og að framan greinir innan sama leiktímabils er nefndinni heimilt að úrskurða viðkomandi í tímabundið leikbann í öllum flokkum

Agaviðurlög samkvæmt framangreindu gilda ekki í tveim efstu deildum meistaraflokks karla og kvenna sem og bikarkeppni sömu meistaraflokka ásamt Meistarakeppni beggja kynja nema að aga- og úrskurðarnefnd meti að brotið feli í sér þriggja (3) leikja bann eða meira. Í þessum



tilvikum skal einungis leggja á sekt gagnvart þjálfara/leikmanni að fjárhæð 40.000 kr. í stað leikbanns. Við ítrekuð brot skal leggja sekt að fjárhæð 80.000 kr. í stað leikbanns og falla ítrekunaráhrif ekki niður við úrslitakeppni. Heimilt er í alvarlegri tilvikum að úrskurða viðkomandi í leikbann til viðbóta við fjársekt en þó er ekki heimilt að líta til ítrekunaráhrifa við mat á leikbanni í úrslitakeppni

- c) Hafi einstaklingi verið vísað af leikvelli eða keppnisstað fyrir alvarlega grófan leik eða ósæmilega framkomu skal aga- og úrskurðarnefnd úrskurða viðkomandi í eins eða tveggja leikja bann. Við slíka ákvörðun skal nefndin líta til ásetnings, afleiðinga og hver sé brotapolí. Sé sama einstaklingi aftur vísað af velli vegna sömu ástæðna og að framan greinir innan sama leiktímabils skal hann sæta tveggja eða þriggja leikja banni. Við slíka ákvörðun skal nefndin líta til ásetnings, afleiðinga og hver sé brotapolí. Ef einstaklingi er oftár vísað af leikvelli vegna sömu ástæðna og að framan greinir innan sama leiktímabils er nefndinni heimilt að úrskurða viðkomandi í tímabundið leikbann í öllum flokkum.

Agaviðurlög samkvæmt framangreindu gilda ekki í tveim efstu deildum meistaraflokks karla og kvenna sem og bikarkeppni sömu meistaraflokka ásamt Meistarakeppni beggja kynja. Í þessum tilvikum skal almennt leggja á sekt gagnvart einstaklingum að fjárhæð 40.000 kr. í framangreindum tilvikum í stað leikbanns. Við ítrekuð brot skal leggja sekt að fjárhæð 80.000 kr. í stað leikbanns og falla ítrekunaráhrif ekki niður við úrslitakeppni. Heimilt er í alvarlegri tilvikum að úrskurða viðkomandi í leikbann til viðbóta við fjársekt en þó er ekki heimilt að líta til ítrekunaráhrifa við mat á leikbanni í úrslitakeppni.

- d) Hafi einstaklingi verið vísað af leikvelli eða keppnisstað vegna viljandi líkamsmeiðingar eða tilraunar til slíks þá skal aga- og úrskurðarnefnd úrskurða viðkomandi í að minnsta kosti þriggja leikja bann nema atlagan hafi haft alvarlegar afleiðingar en þá er nefndinni heimilt að úrskurða viðkomandi í tímabundið leikbann í öllum flokkum. Sé sama einstaklingi aftur vísað af velli eða keppnisstað vegna sömu ástæðna og að framan greinir innan sama leiktímabils skal hann sæta að minnsta kosti sex leikja banni nema atlagan hafi haft alvarlegar afleiðingar en þá er nefndinni heimilt að úrskurða viðkomandi í tímabundið leikbann í öllum flokkum. Ef einstaklingi er oftár vísað af leikvelli eða keppnisstað vegna sömu ástæðna og að framan greinir innan sama leiktímabils er nefndinni heimilt að úrskurða viðkomandi í tímabundið leikbann í öllum flokkum.

Agaviðurlög samkvæmt framangreindu gilda ekki í tveim efstu deildum meistaraflokks karla og kvenna sem og bikarkeppni sömu meistaraflokka ásamt Meistarakeppni beggja kynja. Í þessum tilvikum skal almennt leggja á sekt gagnvart einstaklingum að fjárhæð 40.000 kr. auk eins leiks banns. Við ítrekuð brot skal leggja sekt að fjárhæð 80.000 kr. auk tveggja leikja banns. Ítrekunaráhrif varðandi leikbann samkvæmt þessu ákvæði falla niður við úrslitakeppni. Heimilt er í alvarlegri tilvikum að úrskurða viðkomandi í leikbann til viðbóta við fjársekt en þó er ekki heimilt að líta til ítrekunaráhrifa við mat á leikbanni í úrslitakeppni

- e) Ef einstaklingur gerist sekur um viljandi líkamsmeiðingar eða tilraun til slíks, eða aðra hættulega framkomu eða meiriháttar ósæmilega hegðun gagnvart dómurum eða starfsmönnum leiks þá, skal aga og úrskurðarnefnd dæma viðkomandi í að minnsta kosti fimm leikja bann. Ef atlagan hefur haft alvarlegar afleiðingar þá hefur aga- og úrskurðarnefnd heimild til að úrskurða viðkomandi í tímabundið leikbann í öllum flokkum. Ef einstaklingur gerist oftár sekur um viljandi líkamsmeiðingar, aðra hættulega framkomu eða meiriháttar ósæmilega hegðun gagnvart dómurum eða starfsmönnum leiks innan sama leiktímabils þá skal aga- og úrskurðarnefnd dæma viðkomandi í tímabundið leikbann í öllum flokkum sem skal að lágmarki vera út það



tímabil.

Agaviðurlög samkvæmt framangreindu gilda ekki í tveim efstu deildum meistaraflokks karla og kvenna sem og bikarkeppni sömu meistaraflokka ásamt Meistarakeppni beggja kynja. Í þessum tilvikum skal almennt leggja á sekt gagnvart einstaklingum að fjárhæð 120.000 kr. auk tveggja leikja banns, ef ef atlagan hefur haft alvarlegar afleiðingar er aga- og úrskurðarnefnd heimilt að úrskurða viðkomandi í tímabundið leikbann í öllum flokkum auk sektarinnar. Við ítrekuð brot skal leggja sekt að fjárhæð 240.000 kr. auk þess að lágmarki leikbann í öllum flokkum út tímabilið

- f) Brot sem varða refsingu skv. framangreindum a. til d. liða geta hafa ítrekunaráhrif gagnvart hverjum öðrum. Skal aga- og úrskurðarnefnd meta í hverju og einu tilviki hvort ítrekunaráhrifa gæta og haga viðurlögum í samræmi við það.
- g) Brot í hverjum aldursflokki skal farið með sérstaklega. Þó skal aga- og úrskurðarnefnd heimilt að úrskurða aðila í bann í öllum aldursflokkum, ef um alvarlegt eða ítrekað brot er að ræða.
- h) Ef áhorfendur gerast sekir um vítaverða eða hættulega framkomu gagnvart leikmönnum, dómurum eða starfsmönnum eða öðrum áhorfendum leiks, er aga og úrskurðarnefnd heimilt að svipta viðkomandi heimalið heimaleikjum og/eða úrskurða það til greiðslu sektar til KKÍ allt að fjárhæð kr. 300.000 kr. Ef atvik þykja ekki það alvarleg að svipting leikja verði úrskurðuð eða fjársekt veitt, er aga og úrskurðarnefnd heimilt að áminna viðkomandi félag og/eða gera ábendingar er lúta að tryggja öryggi aðila og dómara. Verði um ítrekuð brot að ræða innan keppnistímabils þrátt fyrir áminningu, og ekki hefur verið orðið við ábendingum aga- og úrskurðarnefndar, skal svipta viðkomandi lið að lágmarki tveimur heimaleikjum og fjársekt. Aga- og úrskurðarnefnd skal meta heimaliði til málsbóta ef sannað þykir að áhorfendur útiliðs áttu upptök að, eða stærstan þátt í, hinni kærðu framkomu. Aga- og úrskurðarnefnd skal meta heimaliði það til málsbóta, ef öryggisgæsla telst hafa verið nægjanleg.
- i) Gerist dómari sekur um óþrúðmannlega framkomu gagnvart leikmanni, forsvarsmanni liðs, þjálfara, liðsstjóra eða starfsmanni leiks eða öðrum viðstöddum er aga- og úrskurðarnefnd heimilt að veita viðkomandi dómara áminningu, eða úrskurða hann til greiðslu sektar allt að 300.000 ef brot er ítrekað eða alvarlegt. Allur vafi skal metinn kærða í hag.
- j) Sé aðili kærður til aga- og úrskurðarnefndar sem ekki hefur verið vísað af leikvelli eða leikstað hefur aga- og úrskurðarnefnd heimild til að dæma viðkomandi til sektar að hámarki 300.000 eða í tímabundið leikbann í öllum flokkum.
- k) Aðildarfélag sem yfirgefur leikvöll í mótmælaskyni eða neitar að halda áfram leik má refsa með brottrekstri úr keppni, stigatapi, leikbanni á öllum leikmönnum og/eða sekta um allt að 500.000 kr.
- l) Brot samkvæmt ákvæðum 13. gr. geta varðað sektum allt að fjárhæð kr. 300.000 í meistaraflokki og kr. 50.000 í öðrum aldursflokkum. Sama gildir ef þessir aðilar verða uppvísir að óþrúðmannlegri framkomu.
- m) Ef forystumaður aðildarfélags eða starfsmenn leiks gerast sekir um vítaverða eða hættulega framkomu gagnvart leikmönnum, dómurum, þjálfurum eða öðrum er heimilt að sekta viðkomandi aðildarfélag um allt að kr. 300.000. Ef brot telst alvarlegt eða um ítrekun er að ræða er auk þess heimilt að setja viðkomandi lið í heimaleikjabann, þar til öryggi leikmanna, þjálfara og annarra



telst tryggt.

- n) Brot skv. tilkynningu stjórnar KKÍ sbr. 14. gr. hefur í för með sér refsingu eftir eðli brotsins þ.á.m. áminningu, ávítur, sektir að fjárhæð kr.300.000 og leikbann.
- o) Aganefnd er heimilt að beita öðrum viðurlögum sem lög og reglugerðir KKÍ tiltaka og heimila.
- p) Fá félög í tveim efstu deildum meistaraflokki karla og kvenna og bikarkeppni sömu meistaraflokka ásamt Meistarakeppni beggja kynja samanlagt fleiri en fimm (5) stig í einum og sama leiknum skal það félag greiða 30.000 króna sekt.fyrir hvert stig umfram fimm stig í einum og sama leiknum .
Tæknivilla – 1 stig
Óíþróttamannslega villa – 1 stig
Brottrekstrarvilla – 2 stig
- q) Fari leikmaður eða þjálfari í félagi í tveim efstu deildum meistaraflokka karla og kvenna sem og í bikarkeppni sömu meistaraflokka ásamt Meistarakeppni beggja kynja yfir ákveðinn fjölda tæknivilla á einu leiktímabili skal vera lögð á leikmanninn/þjálfarann fjársekt/fjársektir samkvæmt eftirfarandi töflu. Skal bein brottrekstarvilla vera talin sem tvær tæknivillur.

4 tæknivillur	20.000,-
6 tæknivillur	30.000,-
8 tæknivillur	50.000,-
10 tæknivillur	70.000,-
11 eða fleiri tæknivillur	70.000 kr. sektar í hvert sinn.

Viðurlög aga- og úrskurðarnefndar í agamálum skal afplána í leikjum á mótum KKÍ, sbr. 1. mgr. 6. gr. reglugerðar þessara. Þó er aga- og úrskurðarnefnd heimilt að fresta gildistöku agabanns, ef um er að ræða agabrot sem framið er í æfingaleik sem dómaranefnd raðar á, með þeim hætti að viðurlög skulu tekin út í hefðbundnum leikjum í mótum KKÍ.

Agabrot framið á einu keppnistímabili hefur almennt ekki ítrekunaráhrif á því næsta. Ef leikmaður á eftir að taka út agaviðurlög þegar keppnistímabili lýkur, skal það gert í byrjun næsta keppnistímabils viðkomandi leikmanns. Flytjist leikmaður á milli aldursflokka um áramót, skal hann taka út viðurlögin í nýjum aldursflokki.

Þegar leikmaður hefur heimild til að leika með tveimur eða fleiri aldursflokkum á sama keppnistímabili, skal hann taka út viðurlög í þeim aldursflokki, þar sem hann hefur unnið til þeirra, þ.e. brot í hverjum einstökum aldursflokki skulu meðhöndlast sérstaklega.

Þegar félag sendir fleiri en eitt lið til keppni í sama mótið skal leikmaður taka út refsingu sína með öllum liðum félagsins í mótum í sama aldursflokki sbr. þó fyrri málsgrein.

Þjálfari, leikmaður, forystumaður eða annara aðili sem tekur út leikbann og mætir á leikstað skal vera meðal áhorfenda frá og með tuttugu mínútum fyrir leik og þar til leik lýkur. Á því tímabili má viðkomandi ekki vera á leikvælinum, í búningsherbergjum eða annars staðar þar sem hann getur verið í tengslum við lið sitt. Ef leikmaður, sem jafnframt er þjálfari annars liðs, er úrskurðaður í leikbann, er honum heimilt að stjórna liði sínu á því tímabili, sem hann tekur út leikbann sem leikmaður.

Ef leikmaður, sem jafnframt er þjálfari liðsins, er úrskurðaður í leikbann, er honum óheimilt að stjórna



liðinu í þeim leikjum sem hann tekur út leikbann í.

Frestist leikur, sem afplána skal refsingu í, skal afplánun frestast uns leikurinn fer fram. Breytingar á leikjaplani hafa ekki áhrif á tímabundið leikbann.

Úrskurðir um sektir á hendur dómurum taka þegar gildi, og er KKÍ heimilt að halda eftir greiðslum til viðkomandi dómara uns sektin er greidd.

14. grein

ÓSÆMILEG FRAMKOMA

Stjórn og/eða framkvæmdastjóri KKÍ skal leggja á sektir allt að 400.000 vegna atvika sem skaðað geta ímynd körfuknattleiks eða þeirra sem þátt taka í leiknum. Slík atvik hafa þá ekki komið fram í atvikaskýrslum dómara á leiknum en geta verið hvers kyns ósæmileg framkoma á leikstað eða á annan hátt opinberlega. Þegar talað er um opinberlega er átt við alla tegundir fjölmiðla; sjónvarpsmiðla, útvarpsmiðla, prentmiðla, netmiðla, heimasíður aðildarfélaga KKÍ og samfélagsmiðla. Ef sektarfjárhæð er 200.000 kr, eða meira hefur viðkomandi heimild til að kæra niðurstöðuna til aga- og úrskurðarnefndar og leggja þá fram greinargerð máli sínu til stuðnings. Skal fara með slík mál eins og um kærumál sé að ræða, eins og við getur átt.

15. grein

ÁFRÝJUN TIL ÁFRÝJUNARDÓMSTÓLS KKÍ

Heimilt er að áfrýja til áfrýjunardómstóls KKÍ öllum úrskurðum aga- og úrskurðarnefndar í kærumálum.

Almennt verður úrskurðum nefndarinnar í agamálum ekki skotið til áfrýjunardómstóls KKÍ nema í eftirfarandi undantekningartilfellum:

- Úrskurði nefndarinnar um fjögurra leikja bann eða þyngri refsingu.
- Úrskurði nefndarinnar um eins mánaðar bann eða þyngri refsingu.
- Úrskurði nefndarinnar um viðurlög og refsingar sem nema hærri fjárhæð en 100.000,-.
- Úrskurði nefndarinnar á grundvelli l, m og n lið 13. greinar.

Frestur til að áfrýja máli til áfrýjunardómstóls KKÍ skal vera fimm (5) sólarhringar frá því að úrskurður aga- og úrskurðarnefndar er kveðinn upp og skulu almennir frídagar ekki taldir með.

Um meðferð áfrýjunarmála fyrir áfrýjunardómstól KKÍ fer að öðru leyti eftir lögum KKÍ og reglugerð KKÍ um áfrýjunardómstól KKÍ.

16. grein

ÁFRÝJUN TIL ÁFRÝJUNARDÓMSTÓLS ÍSÍ

Heimilt er að áfrýja til áfrýjunardómstóls ÍSÍ þeim málum áfrýjunardómstóls KKÍ, sem hafa almennt gildi fyrir íþróttahreyfinguna í heild sbr. nánar reglugerð KKÍ um áfrýjunardómstól KKÍ.

17. grein

ENDANLEG NIÐURSTAÐA

Úrskurður aga- og úrskurðarnefndar KKÍ um ágreiningsefni sem ekki verður skotið til áfrýjunardómstóls KKÍ er endanlegur og bindandi fyrir málsaðila. Verður þeim úrskurðum ekki skotið til áfrýjunardómstóls KKÍ eða annarra dómstóla innan íþróttahreyfingarinnar.

18. grein



LYFJAEFTIRLIT

Mál vegna meintrar lyfjamisnotkunar íþróttamanna skal farið með samkvæmt gildandi lögum og reglum ÍSÍ um lyfjaeftirlit.

NIÐURFELLING REFSINGAR

Körfuknattleiksþing er heimilt með minnst 2/3 greiddra atkvæða að fella niður refsingu eða veita úrskurðuðum aðila full réttindi að nýju innan körfuknattleikshreyfingarinnar. Þetta gildir ekki varðandi refsingar vegna lyfjamisnotkunnar.

20. grein

GILDISTAKA

Reglugerð þessi er sett með stoð í 15. grein laga KKÍ og öðlast þegar gildi samkvæmt sömu grein.